

TE  
WEET



22 Mrt.  
2026

**NEDERDUITSCH HERVORMDE GEMEENTE NELSPRUIT**

[www.hervormdekerknelspruit.co.za](http://www.hervormdekerknelspruit.co.za)

F/B: Nelspruit Hervormde gemeente



### Die pad van oorgawe

Paasfees is 'n uitnodiging om saam stil te staan by die kruisiging van Jesus en te onthou wat Hy vir ons gedoen het. Dit is ook 'n tyd van hoop. 'n Tyd waar ons saam met ander gelowiges die nuwe lewe vier wat ons in Christus ontvang.

Van Palmsondag tot Opstanding-Sondag stap ons saam deur die hart van die evangelie: die lyding van Christus, die stilte van die graf, en die vreugde van die opstanding.

Gedurende hierdie week volg ons 'n daaglikse ritme van gebed in die oggend, middag en aand, met Skrif, refleksie en ruimte om te luister na wat God in ons wil vorm.

**EREDIENS:** ds Natasha Loftus

Tema: Die pad van oorgee

Groet, verwelkoming en aankondigings

Lied Flam 12 Meer as ooit

Luister x1

Sing x 2

Votum en seëngroet

Gebed

Vonkk 11 - Heer wees ons genadig

Lied 266 Ons Vader wat woon in die hemel

Skrifgedeelte: Psalm 31

Preek

Liedere

Lied 309:1+2 My lewe bly aan U gewy

Lied 508:1+2 Vaste Rots op wie ek bou

Seën

Amen

### LIEF EN LEED

Vandag dink ons aan:

♥ Marianna van Wyk. Haar suster is verlede week oorlede.

♥ Alleida van Wyk wat haar tweede oogoperasie ondergaan het Maandag.

♥ Almal wat siek is, olik voel, eensaam, ontsteld of hartseer is, wat die afgelope week gehospitaliseer is.

Sterkte, vertroosting of spoedige beterskap bid ons julle toe.

♥ Muntingh Venter en sy spanmaat wat aan die "Cape Epic" bergfietsren deelgeneem het. Ons vertrou julle het dit baie geniet.

### ✿ Aan ons nuwe lidmate:

Ons sal u graag by die NHK i Toonbank agter in die kerk na die erediens wil ontmoet. Kom drink gerus daarna 'n koppie tee saam met ons in ons Koffie-kuier-en-kletskamer.

### ✿ Aan ons nuwe 18 – 25 jarige lidmate:

Ds. Natasha nooi julle om almal na die erediens saam met haar koffie te drink.

### AKTIWITEITE IN DIE GEMEENTE

- 22 08:00 Koffiekuier  
08:30 Vyfde Lydensondag  
Erediens en  
Kleuterkerk  
09:30 Teedrink
- 23 09:15 Dagbestuur vergader
- 24 15:00 – 20:00 Barbara O'Neill  
15:00 Bybelstudie - Kapel
- 25 09:15 Herfsakker Bybelstudie  
18:00 UKR vergadering
- 26 10:00 Rubicon Bybelstudie
- 27 Skole sluit
- 29 08:00 Koffiekuier  
08:30 Erediens Palmsondag  
en Kleuterkerk  
09:30 Teedrink

### GASHERE BY TEESKINK:

- 22/03 Jacques, Chantel en Donovan  
Beukes  
29/03 Mike, Mariette van Zweel  
05/04 Philip en Lolla Martiz  
Dankie vir julle gasvryheid!

### BAIE DANKIE

Baie dankie aan Dirk vir die kruis wat hy vir ons gemaak en opgesit het.

Ook aan elke ander persoon wat agter die skerms hulp verleen.  
Ons waardeer elkeen van julle!

### VOLTOOI ASB DIE VORM

Baie dankie vir almal wat reeds voltooi het.

Indien u nog nie vorms voor in die bank se sakkie voltooi het nie vra ons dat u asb vandag een sal voltooi

en saam met die potlood terug sit in die bank se sakkie. Baie dankie.



- |                      |                        |
|----------------------|------------------------|
| 03/22 Elrin          | Faurie                 |
| 03/23 Colette        | Van Rooyen             |
| 03/24 Ducky          | Van Rooyen             |
| 03/24 Marthie        | Niemand                |
| 03/25 Daniël         | Manley                 |
| 03/25 Hanro          | Viviers                |
| 03/25 Cuyler         | Pieters                |
| 03/25 Kobus          | Janse Van Rensburg     |
| <b>03/25 Elise</b>   | <b>Lubbe</b>           |
| 03/26 Craig          | De Beer                |
| <b>03/26 Frieda</b>  | <b>Van Schoor</b>      |
| 03/27 Marita         | Kotze                  |
| <b>03/27 Pieter</b>  | <b>Beukes</b>          |
| <b>03/27 Mareina</b> | <b>Oosthuizen</b>      |
| <b>03/27 Rina</b>    | <b>Rootman</b>         |
| 03/29 Anlie          | Venter                 |
| 03/29 Niki           | Viljoen                |
| 03/29 Charmaine      | Venter                 |
| 03/29 Willie         | Le Roux                |
| <b>03/29 Callie</b>  | <b>Schoeman 70jr +</b> |

### BELANGRIKE INLIGTING VIR DIE GROOT LYDENSWEK:

- 29/03 Palmsondag erediens om 8:30  
02/04 Wit Do. Nagmaal om **18:30**  
03/04 Goeie Vrydag geen erediens  
05/04 Opstandingsondag om 6:00

### SKOOLVAKANSIE

Geniet die rustydjie. Almal wat so gelukkig is om weg te breek, geniet dit en kom veilig terug!

### HUISBESOEK

Ons herinner u net daaraan dat indien u behoefte aan huisbesoek

het, dat u met 'n predikant of die Kerkkantoor sal skakel.  
'n Afspraak sal met u gemaak word.

### HUIHULP BESKIKBAAR

Kontak Tilana indien u 'n baie betroubare huishulp benodig.

### HULP BENODIG: PANEELKLOPPER

Ons is op soek na iemand wat privaat paneelklopwerk doen. Indien jy kan help, laat weet asseblief vir Willie by 082 45 11811. Hulle sal die nodige parte voorsien en die werker vergoed volgens 'n onderling ooreengekome prys.

Baie dankie vir jou hulp!

### GEBED VIR DIE WEEK

Ons Vader wat in die hemele is, laat u Naam geheilig word.

10Laat u koninkryk kom.

Laat u wil geskied,

soos in die hemel, so ook op die aarde.

11Gee ons vandag ons daaglikse brood.


12En vergeef ons ons skulde, soos ook ons hulle vergeef wat teenoor ons skuldig staan.

13En bring ons nie in versoeking nie, maar verlos ons van die Bose.

Want aan U behoort die koninkryk en die krag en die heerlijkheid tot in ewigheid.

Amen.

Matteus 6: 9-13 (AFR2020)



Hykie Berg

For Tickets and More Info: ☎ 062 862 5106

# A Love Revolution

HOW ONE MAN CHANGED THE WORLD

27 March 2026 18:00  
28 March 2026 10:00 & 18:00

A blend of new talent and well-known performers like Ruben Roos, Rhinus Lotz and the Laudate Choir.

Tickets: **Quicket** EXPERIENCE ANYTHING

NG Suid Gemeente Nelspruit  
93 Elmke Street, Nelspruit

### DIE HEILIGE RITME VAN DIE KLEIN GEMEENTE:

#### waarom klein die nuwe krag is

In 'n wêreld wat dikwels sukses aan grootte en spoed meet, word klein gemeentes maklik oor die hoof gesien. Tog toon statistieke dat die meerderheid van die NHKA-gemeentes (sowat 62%) minder as 200 lidmate het. Hierdie klein geloofsgemeenskappe is nie foute van die sisteem nie – hulle is die sosiale gom wat die hartklop van woonbuurte, dorpe en stede vorm.

*Die krag van hoë-aanraking.* Waar megagemeentes dikwels soos produksies voel, bied die klein gemeente 'n hoë aanraking in die gemeenskap. Dit beteken dat mense mekaar by die naam ken en dadelik opmerk wanneer iemand afwesig is. Dit gaan oor die deel van etes, laste en vieringe op 'n manier wat groter modelle nie maklik kan dupliseer nie. Hierdie diep persoonlike verhoudings is 'n teologiese

belydenis dat elke mens deur God geken en geliefd is.

*Van produksie na teenwoordigheid*  
In die moderne sekulêre era voel gemeentes dikwels die druk om vinnig te beweeg om relevant te bly. Klein gemeentes bied egter 'n noodsaaklike rusplek. In plaas daarvan om 'n produksie te wees wat moet presteer, bied die klein gemeente vryheid met kalmte en stilte. Dit is soos die verskil tussen 'n vinnige wegneemete en 'n maaltyd wat ure lank om 'n kombuistafel geniet word. Die fokus skuif van hoe baie ons doen na hoe teenwoordig ons vir God en mekaar is.

*Nie 'n museum nie, maar 'n venster*  
Daar is 'n gevaar dat klein gemeentes slegs kan bestaan om 'n taal of kultuur te bewaar, wat hulle in museums verander. Die Goddelike roeping is egter om 'n venster na die ewige lewe te wees. Wanneer die kerkklok lui, is dit nie net tradisie nie, maar 'n verklaring dat God midde-in die alledaagse lewe teenwoordig is en praat. Die waarde lê nie in die gemeente se programme nie, maar in die feit dat die gemeenskap saam voor God staan, selfs wanneer hulle min is.

*Die kuns van plek-deling*  
In 'n klein gemeente word lidmate gedwing tot plek-deling (place-sharing). Dit is die spontane oomblik waar 'n ouma 'n hand op die skouer van 'n moedelse jong ouer sit. Of 'n kleuter wat 'n ou tannie wat moeilik loop, se hand vashou vir ondersteuning. Dit is nie 'n formele program nie – dit is Christus wat deur een persoon 'n ander ontmoet.

*Moenie in paniek verval nie*  
Wanneer getalle krimp, verval gemeentes dikwels in paniek. Die evangelie leer ons egter van die krag van die klein saadjie en die

nederigheid van Christus aan die kruis. 'n Gemeente hoef nie in sy eie ambisies van grootheid te probeer oorleef nie, maar moet soms sterf aan daardie ambisies om weer te ontdek wat dit beteken om op God te wag. Die belangrikste werk van die klein gemeente is om die wêreld te herinner hoe om te wag.

In die koninkryk van God is daar geen marginale plekke nie – elke klein gemeente is 'n heilige ruimte waar die ewigheid die tyd ontmoet.

Dr Johan Bester

(Randfontein Midpark/SGB)

Lees die hele Blitzpos hier:

[https://nhka.org/wp-content/uploads/2026/03/Blitzpos-2026\\_03\\_19.pdf](https://nhka.org/wp-content/uploads/2026/03/Blitzpos-2026_03_19.pdf)



Met die nuwe week kom

Hoop

Nuwe krag

Nuwe moontlikhede

Nuwe gedagtes

Geniet jou week !

**Geseënde  
Sondag.**